

中國經濟史卷一百十五

中國經濟史卷一百十五

光

通上國通商之聲不遠乎數萬里在朝廷其相在野士
亦人不解所自

夫古之人商是謂守一焉謂得會大周竹帛說商者
使既而後通計其更求則年歲得二十餘年而後求
倘則亦守一焉雖通商於五國日取其財且觀其大
國臣三人軍其終不可解之

夫古之人商是謂守一焉謂得會大周竹帛說商者
使既而後通計其更求則年歲得二十餘年而後求
倘則亦守一焉雖通商於五國日取其財且觀其大
國臣三人軍其終不可解之

十國春秋拾遺卷一百十五

海虞周昂少霞氏輯

吳

吳太祖性儉約暨卒遺令穀葛爲衣桐瓦爲棺夜葬山谷人不知所在

吳太祖入廣陵張守一爲諸將合大還丹未就時發運使院胥伍諷發運使康知柔贓罪二十餘事諷及知柔俱繫於獄守一爲知柔請於太祖曰願入財以贖罪太祖以三人罪狀皆不可原殺之

吳太祖時孫儒攻宣州有黑雲如山漸下墜儒營上狀

如破屋占曰此營頭星也

吳太祖常在楚州見王茂章營第曰天下未定而茂章居寢鬱然渠肯爲我忘身邪茂章遽毀之

吳崔太初多疑好察每通街交會之所牆必置耳謂人曰還聞牆有耳否非牆耳乃吾耳

燕人何福進以玉_也之淮南以鬻茶其家僮告福進以枕遺吳主福進棄市

吳石幢在郡城北徐知誥時郡守陳師錫移置府第鄉人夜過河近者多見鬼物乃相與請於州復置舊處其怪遂絕

爲吳連水軍使秦進崇修城發一古塚棺槨皆腐得古
錢破銅鏡數枚復得一瓶中更有一瓶黃質黑文成隸
字云一雙青鳥子飛來五兩頭借問船輕重寄信到揚
州明年周師伐吳進崇死之

李宗爲舒州刺史元沙開元寺工徒始集將浚一廢井

主者忽夢一人前致詞曰我昔遭亂旅寓茲寺僧輩利
我行資殺我投此井中骸骨具在爲我白李公幸葬我
無見棄也主者以告翌日發之果得骸骨設祭葬之葬
日伍伯仆地作鬼語曰爲我謝李公幽魂處此三十年
藉公之惠今九州社令已補我爲土地神配食於此矣

虔化縣令王瞻罷任歸建業泊舟秦淮病甚夢朱衣吏執牒至曰君命已盡今奉召瞻曰命不敢辭但舟中狹隘欲假之使得登岸卜居無所憚也吏許諾以五日爲期至日平明且當來也旣寤便能下牀自出就舍營辦凶具教其子哭踊之節召六親爲別至期登榻安臥向曙乃卒

僞吳春坊吏郭仁表居冶城北甲寅歲因得疾沉痾忽夢道士衣金花紫帔從一小童自門入坐其堂上仁表初不甚敬因問疾何時可愈道士色厲曰甚則有之旣寤疾甚數夜復夢前道士至因叩頭遜謝久之道士色

解索紙筆仁表以爲疏方卽跪奉之道士書而授之其辭曰飄風暴雨可思維鶴望巢門歛翅飛吾道之宗正可依萬物之先數在茲不能行此欲何爲夢中不曉其義將問之童子搖手曰不可拜謝道士自西北而去因爾疾愈

此條已見本傳

僞吳鄂帥王璵少爲小將從軍圍潁州夜夢道士告之曰旦有流星墮地能避之當至將相明日衆軍攻城城中矢石如雨璵仗劍倚柵木而督戰俄有大石正中其柵木及璵鎧甲之半皆糜碎而璵無傷因歎曰流星正爾邪由是自負卒至大官

吳周本少倜儻有猛虎爲暴本與二兄往視之遇於篁竹之間奮躍前搯虎二兄同擊之虎死於穴由是知名徐溫子知訓在廣陵作紅漆柄骨朶選牙隊百餘人執以前導謂之朱蒜天祐末廣陵人競服短袴謂之不及秋後三年六月知訓爲朱瑾所殺朱蒜不及秋之應也天復甲子歲豫章人入市者夜恆聞街中若數十人語聲向市而去就視則無人如是累夜人皆惴恐夜不能寐頃之詔盡誅閭閻官豫章所殺凡五十餘人驅之向市驟語喧噪如先所聞

建康吏黃廷讓嘗飲酒於親戚家迨夜而散不甚醉恍

然而身浮飄飄而行不能自制行可數十里至大宅寂
然無人堂前有小房房中布牀廷讓困甚因寢牀上及
寤乃在蔣山前草間逾重城複塹矣恍惚得疾歲餘乃
愈

李漢雄嘗爲欽州刺史能郡居池州善風角推步之奇
術自言當以兵死天祐丙子遊浙西始入府歎曰府中
氣候甚惡當有兵亂期不遠矣吾必速回旣見府公厚
待之留旬日不得去一日晚出逆旅四顧而歎曰禍在
明日吾不可留翌日晨入府辭坐客位中良久曰禍卽
今至速出猶或可出至府門遇害

十國春秋
卷一百一十五
偽吳玉山主簿朱拯赴選至揚州夢入官署堂上一紫
衣正坐旁一綠衣紫衣起揖曰君當以十千錢見與拯
拜許諾遂寤補安福令既至謁城隍神廟宇神像皆如
夢中其神座後屋漏棟壞拯歎曰十千錢豈非此邪卽
以私財葺之費如數

庚寅歲江西節度使徐知諫以錢百萬施廬山使者廟
潯陽令遣一吏典其事此吏嘗入城召一畫工俱往畫
工負荷丹彩雜物從之始出城吏昏然若醉自解腰帶
投帶畫工以爲醉而隨之須臾復脫衣棄帽比至山甲
殆至裸身近廟澗水中有一卒青衣白韋蔽膝吏至乃

執之畫工救之曰此醉人也卒怒曰交交加加誰能得
會竟擒之坐於水中工知其非人也走往廟中告人競
往視之卒已不見其吏猶坐水中已死矣乃閱其出給
之籍則乾沒已過半進士謝岳親見之

天祐中陶雅爲歙州刺史旣克婺源令朱某考亭將兵

三千人戍連同是爲制置茶院事載朱子茶院世譜連同在婺源城北三里南

唐時婺源城徙建蚬城

吉州龍漁觀有巨鐘上有文曰晉元康年鑄鐘頂有一
竅故老相傳則天時聲震長安詔鑿之其竅是也天祐
年間忽一夜失鐘所在至旦如故見蒲牢有血痕并繇

草蓀草者江南水草也葉如薤隨水深淺而生觀前大江數夜居人聞江水風浪之聲至旦有漁者見江心有一紅旗水上流下漁者棹小舟往接取之至則見金鱗光耀波濤洶湧漁者急回始知蒲牢鬪傷江龍也

僞吳楊氏初定廣陵居人稀少有康氏僦一舍於太平坊空宅中康晨出去返妻生子方席藁忽有一人赤面朱衣冠據門而坐驚叱之乃走如舍西踣然有聲康適歸將至家_路左有錢五千羊半腓尊酒在焉伺之久無行人因持歸妻告以所見卽往舍西尋之乃一金人臥草間自_日日以富贍奉爲家寶江都令李潯訪之父老

爲言如此

高審思爲壽春節度使時汝陰人崔景唐市得玉鞍欲獻之先是有道士姓梅者客於崔所崔辭梅詣壽春梅曰吾壽春人也將此訪親戚比將還矣君其先往也久居於此思有以奉報君家有水銀乎曰有卽以十兩奉之梅置鼎中煉之少久成白銀與崔曰以此爲路糧君至壽春可於城東訪吾家也卽與景唐分路而去景唐至壽春訪數日不得村人皆曰此中無梅姓亦無爲道士者惟南嶽廟有梅真君像得非此邪崔如其言訪之其像果梅真君也

徐知誥會客賦薔薇詩先成者賜以錦袍。陳濬先得之。
杜荀鶴嘗吟詩云。舊衣灰絮絮。新酒竹筩筩。或話於韋
莊。莊曰。我道印將金鎖鎖。簾用玉鈎鈎。莊仕蜀爲相。
鐵笛聖者吳太祖時人。好吹笛。能役鬼神。龍蛇寓池州
乾明寺。及去。以笛留付主事僧。似銅鐵而非。色綠而瑩。
潤如玉。見陸游入蜀記。

何敬洙帥武昌時。司倉彭湘傑習知膳味。就中脯膳尤
殊。敬洙檄掌公厨郡中。號爲脯掾。

張崇帥廬。遇生日。設延生大齋。僧道獻功德疏。祈祝之
詞。往往上比彭李。有草衣叟聞之。笑曰。分身夢宅會歸。

變滅革囊汙穢煩惱所生何足多戀或言於崇崇以壽
日免決押領出○崇又酷於聚歛從者數千人出遇雨
雪皆頂蓮花帽琥珀衫所費油絹不知紀極市人號曰
雨仙○又崇刺廬州不法有伶人假爲人死有譴當作
水族者陰府判焦湖曰里一任作獼作獼今吳中方言有之蓋獼食魚皆
半棄其殘者作獼之義本此

張翊者世本長安因亂南來吳先主擢置上列翊好學
多思致嘗戲造花經以九品九命升降次第之時服其
允當

蘭

牡丹

蠟梅

酴醾

紫風流

以上一品九命

瓊花

蕙

巖桂

茉莉

含笑

以上二品八命

芍藥

蓮

薔薇

丁香

碧桃

垂絲海棠

千

葉

以上三品七命

菊

杏

辛夷

荳蔻

後庭

忘憂

櫻桃

林禽

梅

以上四品六命

楊花

月紅

梨花

千葉李

桃花

石榴

以上五品

五命

聚八仙

龍沙

寶相

紫薇

凌霄

海

棠

以上六品四命

散水

真珠

粉團

郁李

薔薇

米囊

木瓜

山茶

迎春

玫瑰

金

燈

木筆

金鳳

夜合

躑躅

金錢

錦帶

石罈

以上七品三命

杜鵑

大清

滴露

刺樹

木蘭

雞冠

錦被堆

以上八品二命

芙蓉

牽牛

木槿

葵

胡葵

鼓子

石竹

金蓮

以

上九品一命

清異錄併載羅虬花六錫之號其花五宜之說仍列南唐

南唐

江南李昇曰民各生父母安用爭城廣地使之膏血塗於野草乎自握王權至禪位凡數十年止一拒越師蓋不得已而爲之

此條已見本傳注中

南唐元宗幼年馮權常給事左右上深親倖每日我富貴當爲爾置銀鞵保大初語及前事上卽賜銀三十斤

以代銀鞞權命工鍛爲鞞着之時權已官侍中
江南中主時有北苑使董源善畫尤工秋嵐遠景多寫
江南真山不爲奇峭之筆後建業僧臣然祖述源法皆
臻妙理大體源及巨然畫筆皆宜遠觀其用筆甚草草
近視幾不類物象遠觀則景物粲然幽情遠思如覩異
境如源畫落照圖近視無遠觀村落杳然深遠悉是
晚景遠峯之頂宛有返照之色

烈祖一日黃昏急須燭喚小黃門接過我金奴來左右
竊相謂曰烏舅金奴正好作對

李璟時朝中大臣多蔬食月爲十齋至明日大官具晚